

خَطِ دَوْمِ يَوْحَنَّا

دُعا و سلام

۱ از طرف بزرگِ جماعت، بلده خائونِ انتخاب شده و اولادای شی که ما اونا ره د راستی دوست دَرُم، نه تنها ما، بلکه پگِ کسای که حقیقت ره میدنه، ۲ بخاطرِ حقیقتی که دَز مو وجود دَره و تا اَبَد ام قد ازمو مومنه. ۳ فِیض، رَحمت و سلامتی از طرفِ خُدا یعنی آته آسمانی و از طرفِ عیسیٰ مسیح باچه آته آسمانی، د راستی و مُحَبَّت قد ازمو وجود میدشته بشه.

تشویقِ یَوْحَنَّا بلده مُحَبَّت کدو

۴ ما عَدر خوشحال شُدُم ازی که بعضی بچکیچای توره پیدا کُدُم که د راهِ حقیقت قدَم میزنه، امو رقم که آته آسمانی دَز مو حُکم کده. ۵ و آلی آی خاتو، از تو یگ خواهش دَرُم؛ اوطور نییه که دَز تو یگ حُکم نو نوشته موم، بلکه امو آسته که از اوّل دشتی، خواهش مه امی آسته که یگدیگه خوره مُحَبَّت کنی. ۶ و مُحَبَّت ای آسته که مو د مُطابق احکام ازو رفتار کنی. اینمی حُکم ازو آسته، امو رقم که شمو از اوّل شنیدید تا د مُطابق ازو رفتار کنید.

خبردار کدو دَ باره چَلباز و دَجال

۷ چون چَلبازای غَدَر دَ دُنیا بُر شُدِه که اِقرار نَمونِه که عیسیٰ مَسیح دَ جِسَم ظاهِر شُد. امی رَقم آدما، چَلباز و دَجال^۸ آستِه. ^۸ خود ره هُوش کُنید تا امُو چِیزای ره که بلَدِه شی زَحمت کَشیدید از دِست نَدید، بَلکِه اَجِر کَامِل شی ره دَ دِست بَیرید.

۹ هر کسی که دَ تَعَلیمِ مَسیح ثابِت قَدَم نَمونِه و ازو دُور مورِه، خُدا قَد ازو نِیبه. لیکِن هر کسی که دَ تَعَلیمِ مَسیح ثابِت قَدَم مَومَنه، ام آتِه و ام باچِه قَد ازو آستِه.

۱۰ اگِه یَگو کس دَ پِیش شُمو مِیبه و امی تَعَلیمِ ره نَمیره، ازو دَ خانِه خُو پَدیرایی نَکُنید و قَد ازو خوش اَمَد نَکُنید. ^{۱۱} چون هر کسی که قَد ازو خوش اَمَد کُنِه، دَ کارای بَد ازو شَریگ موشه.

سلامِ آخِرِی

۱۲ اگِرچِه غَدَر چِیزا دَرُم که بلَدِه شُمو نَوشته کُنم، مَگم ما نَمیخایم که قَد سیاهی دَ رُوی قاغذ نَوشته کُنم، بَلکِه اُمید دَرُم که دَ پِیش شُمو بییم و رُوی دَ رُوی قَد شُمو توره بَگُم تا خوشی مو کَامِل شَنه.

۱۳ بچکِیچای خوارِ اِنْتِخاب شُدِه تُو، تُو ره سلام مَوگیه.

^a ۷:۱ صِفَتِ کَسای آستِه که دَ صِدِّ مَسیح آستِه و مَرَدُم ره از راهِ عیسیٰ مَسیح بُر مَونِه.